

PODOSPERMUM ARMENIACUM Boiss. et Huet.

P. perenne totum tomento brevi pulverulento plus minusve detersili canum, radice cylindricâ verticali, collo squamoso folia radicalia expansa caulesque 1-3 edenti, caulibus pumilis ascendentibus erectisve sæpius a basi dichotomè ramosis ramis divaricatis sursum arcuato-recurvis, foliis radicalibus petiolatis ambitu lanceolatis pinnatipartitis segmentis angulo recto patentibus obovatis vel oblongo-spathulatis integris denticulatisve basi sæpius lobulo retrorso eis breviori auctis terminali lineari-lanceolato acuto, foliorum caulinarum abbreviatorum sessilium laciniis lineari-setaceis ramealium setaceis, pedunculis supernè nudiusculis vix incrassatis, capitulis floriferis minutis, involucri villo brevi pulverulento-cani phyllis lanceolatis acuminatis exterioribus quadruplò minoribus demùm patentibus, flosculis flavis extùs rubellis exterioribus involucrum duplò superantibus, acheniis pallidis sulcato-striatis parte dimidiâ superiori parcè lanatis pappo eis longiori superatis.

Hab. in Armeniâ propè *Kochapounar* cl. Huet du Pavillon. Fl. Fruct. que Maio,

Planta 4-5 pollicaris, folia radicalia bipollicaria 5-9 lines lata. Capitula florifera eis *P. laciniati* paululùm minora. Species caule divaricatim ramoso, segmentis foliorum abbreviatis patentibus, acheniis supernè hirsutis notabilis, hæc notâ accedens ad *P. eriospermum* caulibus elatis, laciniis longissimis foliorum, involucri phyllis adpressis obtusis apice tantùm lanatis sat distinctum.

SCORZONERA AUCHERI Boiss. et Huet. (Sect. *Euscorzonerâ*.)

Sc. radice crassâ ovatâ tuberosâ suberoso-corticôsâ apice non productâ, foliis omnibus radicalibus expansis parcè crispo-puberulis linearibus flexuosis margine tenuiter undulatis, scapis puberulis monocephalis foliis vix longioribus, capitulo paucifloro angustè cylindrico, involucri phyllis 8-9 pallidè virentibus angustè albo-marginatis indumento tomentello ad margines copiosiori obsitis inferioribus brevioribus ovato-oblongis obtusis interioribus lanceolatis acutiusculis, flosculis purpureis involucrum excedentibus, acheniis...

Hab. propè Erzeroum Auch. N° 4882, in *Armeniâ* circâ *Kochapounar*, cl. Huet du Pavillon.

Folia 2-3 pollices longa $1\frac{1}{2}$ -2 lineas lata. Scapus 2-4 pollicaris. Capitulum angustum ferè pollicare. Affinis *Sc. stenocephalæ* quæ differt radice apice in cylindrum productâ, collo vaginis scariosis numerosis vestito, capitulis minoribus, involucri phyllis angustis.

SCORZONERA KURDICA Boiss. et Noë. (Sect. *Euscorzoneræ*.)

S. radice minutâ ovatâ subtùs fibrillas tenues edenti, caule pumilo medium versùs in 3-5 ramos arcuatos monocephalos diviso, foliis radicalibus et ad caulis divisionem copiosis angustè linearilanceolatis margine undulato-crispis apice longè attenuato-acuminatis glabrescentibus, rameis paucis minutis e basi latiori amplexicauli lanceolatis, capitulis cylindricis, involucri phyllis 7-9 glabris pallidè virentibus inferioribus triangulari-ovatis multò brevioribus cæteris lanceolatis omnibus obtusis, flosculis pallidè roseis involucri longioribus, acheniis brevibus obconicis sulcatis ad costas denticulato-scabris pappo niveo eis duplò longiori terminatis.

Hab. in subalpinis Persiæ in *Kurdistanâ* propè *Mendeli* cl. Noë. Flor. Maio.

Planta 5 pollicaris, folia 2 lineas circiter lata, rami sesquipollicares, capitulum ferè pollicare. Affinis speciei præcedenti a quâ sat differre videtur radice minutâ non corticoso-squamosâ, caule ramoso, foliis apice longè attenuatis, involucri phyllis inferioribus valdè abbreviatis.

SCORZONERA SYRIACA Boiss. et Blanche. (Sect. *Euscorzoneræ*.)

Sc. radice cylindricâ tenui squamis fuscis ad collum modicè obsitâ, caule erecto ad medium usquè folioso monocephalo glabro, foliis radicalibus basi attenuatis gramineis linearibus plurinerviis apice attenuatis glabrescentibus, caulinis brevioribus basi rotundatâ sessilibus, capitulis cylindrico-obconicis, involucri phyllis 9-11 tomento brevissimo tandem sæpè detersili obsitis infimis brevissimis triangularibus acutis intimis lanceolatis obtusis, flosculis luteis involucri sesquilongioribus, acheniis striatis exterioribus parte superiori sparsim et minutè scabris cæteris lævibus, pappi rufescentis achenio longioris setis 5 longioribus apice nudis.